

godišnji odmor ne bi došli u situaciju da se cijela porezna ispostava mora zatvoriti, već bi imali mogućnost povući sa godišnjih odmora određeni broj zaposlenika čime bi se omogućio rad ispostave.

U momentu kada je Porezna uprava Federacije BiH donijela Odluku o korištenju godišnjeg odmora nije se znalo da će se dana 16.03.2020.godine održati sjednica Vlade Federacije BiH niti šta će se razmatrati na dnevnom redu. Takođe i prije sjednice Vlade v.d. direktor je predložio ministrici finansija da Vlada donese odluku o reduciranju broja zaposlenih kao i dr.

Na kraju se ispostavilo da je Porezna uprava Federacije poduzela dobre preventivne mjere jer je nakon održane sjednice 16.03.2020. godine Vlada proglasila stanje nesreće i izdala je preporuku poslodavcima da se radnicima omogući korištenje godišnjeg odmora, korištenje odsustva u skladu sa zakonom, kolektivnim ugovorom i pravilnikom o radu, da se radnicima roditeljima malodobne djece do 10 godina omogući odsustvo s posla jednog roditelja u slučaju da oba roditelja rade, a sve u cilju sprečavanja nastupanja štetnih posljedica po zdravlje zaposlenika.

Postavlja se pitanje zašto je Sindikalna organizacija Porezne uprave tražila od v.d. direktora hitno poduzimanje preventivnih mjera ako su znali da će se održati sjednica Vlade FBiH na kojoj će se dati upute federalnim organima za postupanje, te da li se ovdje radi o svejsnom podmetanju kako bi se opstruirao rad ove uprave i preventivnih mjera donesenih u cilju zaštite zaposlenika.

Posebno ističemo da trenutno u poreznoj upravi preko 60% zaposlenika koristi godišnji odmor i da do v.d. direktora nije došla niti jedna žalba, te ne vidimo opravdanim zahtjeve Sindikalne organizacije za intervencije sindikata pogotovo što su ljudi poslani na godišnji odmor u cilju zaštite njihovog zdravlja i zdravlja njihovih porodica.

Dana 08.04.2020. godine Porezna uprava Federacije BiH zaprimila je Odluku o formiranju Kriznog štaba Sindikalne organizacije Porezne uprave FBiH. U popratnom aktu uz Odluku broj: 01- II-SO-12-3-1-1/20 od 07.04.2020. godine navodi se daje Sindikalni Odbor PU FBiH donio odluku da će Sindikalni odbor preko svojih povjerenika svakodnevno pratiti stanje u organizacionim jedinicama po pitanju nivoa preventivne zdravstvene zaštite zaposlenika, količine zaštitnih sredstava, poštivanja prava iz radnih odnosa i dr.činjenica. Cilj formiranja kriznog štaba bi trebao biti poduzimanje konkretnih mjera za zaštitu zaposlenika, pomoć pri nabavci zaštitnih sredstava, koja je u konkretnom slučaju od strane Sindikalne organizacije PU FBiH nažalost izostala, a ne preuzimanje nezakonite funkcije svakodnevnog kontrolora rada i aktivnosti menadžmenta Porezne uprave. Zbog ovakve odluke mi već imamo situaciju da u jednom Kantonalnom poreznom uredu sindikalni povjernik iako je zaprimio rješenje o korištenju godišnjeg odmora iz 2020. godine, na koje do današnjeg dana nije pristigla žalba, svaki dan dolazi na posao bez da obavlja ikakve radne zadatke niti referiše šefu o istim. Dakle, po izjavi šefa bavi se isključivo sindikalnim poslovima, koristi telefon i kompjuter Porezne uprave za telefonske konferencije i slanje mailova, bez da prihvata da obavlja ikakve radne zadatke za koje je plaćen.

O svim poduzetim mjerama za zaštitu zaposlenika Porezna uprava je informisala Sindikalnu organizaciju PU FBiH, o čemu ste obaviješteni aktom broj: 13/06-1-30-16-4-4/20 od 31.03.2020. godine.

Porezna uprava Federacije BiH podržava ideju o zajedničkoj saradnji i poduzimanju konkretnih mjera u interesu naših zaposlenika, na način da zajedničkim snagama iznađemo najbolju mogućnost za zaštitu svih zaposlenika Porezne uprave, a ne svakodnevno kontrolisanje rada i aktivnosti menadžmenta Porezne uprave bez preduzimanja konkretnih mjera i aktivnosti.